



UNIVERSITÄTS-
BIBLIOTHEK
PADERBORN

Davidis Regii Prophetæ Psalterium

Moritz <Hessen, Landgraf>

Smalcaldiae, 1593

VD16 B 3258

Psalmvs III. Domine quid multiplicati sunt, &c.

[urn:nbn:de:hbz:466:1-68864](https://nbn-resolving.org/urn:nbn:de:hbz:466:1-68864)

*Heredi tradam tibi gentes, regnaq₃ mundi,
Terrarum vt latos habeas, ceu pradia, fines.
Tu caput obtundes reprobo, tu dorsa malorum
Percuties sceptro, vindex: tua ferrea virga
Conteret aduersos tibi, ceu testacea vasa.
Ergo agite & Reges moniti resipiscite tandem,
Et vos qui mundi totius regna tenetis,
Erudienda vni submittite corda Iehouæ,
Mutatisq₃ animis summum reuerenter amate
Laetitia Dominum simul atq₃ timore colentes.
Oscula submisso date pectore suauiã Nato,
Ne noceat: vestris meritis accensus ad iram,
Inq₃ via reprobã correptos, iure malignos
Vos perdat mirisq₃ modis contundat iniquos,
Nam simul exarsit furor illius, opprimet hostes
Ipse suos pœnis affectis tristibus vltor.
Ah miseros Domini qui fulmina tanta meretur.
Ast qui confidunt Domino bis terq₃ beatos.
Felices quorum fiducia nixa recumbit,
Spesq₃ animosa vna hac immota rupe salutis.*

PSALMVS III.

Domine quid multiplicati sunt, &c.

Quot

Quot premor insidiis, quam magna ceterua
malorum

Obsidet, hostilis me exagitatq; manus.

Futilibus spargunt de me conuicia linguis,

Huic est à Domino reliqua nulla salus.

Tu Deus ac scutum mihi, tu protectio firma

Es misero: menti puppis & aura mea.

Tu Deus extollis me ad summum culmen honoris,

Erigis ex imo tu mihi triste caput.

Voce mea ad Dominū clamans effundo querelas:

Protinus hic prona suscipit aure preces.

Securus vigilo, metuens nil, dormio tutus:

Excubias pro me nempe agit ipse Deus.

Non exhorresco tot millia gentis iniqua,

Quot caput hoc cingunt, quot latus ense tegūt.

Surge Deus, miseri nunc tandem suscipe causam,

Namq; tui expecto numinis auxilium.

Maxillis duros colaphos impinge malorum:

Hostis & inuicta contere labra manu.

Conserues populum, prostrato fortiter hoste:

Nos recrea, in te uno est nam sita nostra salus.

PSAL.